

# 部编版小学 1-6 年级古诗词汇总

## 一年级上册

01

### 咏鹅

【唐】骆宾王

鹅，鹅，鹅，  
曲项向天歌。  
白毛浮绿水，  
红掌拨清波。

02

### 江南


汉乐府

江南可采莲，  
莲叶何田田。  
鱼戏莲叶间。  
鱼戏莲叶东，  
鱼戏莲叶西，  
鱼戏莲叶南，  
鱼戏莲叶北。

03

### 画

远看山有色，  
近听水无声。  
春去花还在，  
人来鸟不惊。



04

**悯农（其二）**

【唐】李绅

锄禾日当午，

汗滴禾下土。

谁知盘中餐，

粒粒皆辛苦。

05

**古朗月行（节选）**

【唐】李白

小时不识月，

呼作白玉盘。

又疑瑶台镜，

飞在青云端。

06

**风**

【唐】李峤

解落三秋叶，

能开二月花。

过江千尺浪，

入竹万竿斜。

**一年级下册**

01

**春晓**

【唐】孟浩然

春眠不觉晓，处处闻啼鸟。

夜来风雨声，花落知多少。

02

赠汪伦

【唐】李白

李白乘舟将欲行，忽闻岸上踏歌声。

桃花潭水深千尺，不及汪伦送我情。

03

静夜思

【唐】李白

床前明月光，疑是地上霜。

举头望明月，低头思故乡。

04

寻隐者不遇

【唐】贾岛

松下问童子，言师采药去。

只在此山中，云深不知处。

05

池上

【唐】白居易

小娃撑小艇，偷采白莲回。

不解藏踪迹，浮萍一道开。

06

小池

【宋】杨万里

泉眼无声惜细流，树阴照水爱晴柔。

小荷才露尖尖角，早有蜻蜓立上头。

07

画鸡

【明】唐寅

头上红冠不用裁，满身雪白走将来。

平生不敢轻言语，一叫千门万户开。

## 二年级上册

01

### 梅花

【宋】王安石

墙角数枝梅，凌寒独自开。  
遥知不是雪，为有暗香来。

02

### 小儿垂钓

【唐】胡令能

蓬头稚子学垂纶，侧坐莓苔草映身。  
路人借问遥招手，怕得鱼惊不应人。

03

### 登鹳雀楼

【唐】王之涣

白日依山尽，黄河入海流。  
欲穷千里目，更上一层楼。

04

### 望庐山瀑布

【唐】李白

日照香炉生紫烟，遥看瀑布挂前川。  
飞流直下三千尺，疑是银河落九天。

05

### 江雪

【唐】柳宗元

千山鸟飞绝，万径人踪灭。  
孤舟蓑笠翁，独钓寒江雪。

06

### 夜宿山寺

【唐】李白

危楼高百尺，手可摘星辰。

不敢高声语，恐惊天上人。

07

### 敕勒歌

北朝民歌

敕勒川，阴山下，天似穹庐，笼盖四野。天苍苍，野茫茫，  
风吹草低见牛羊。

## 二年级下册

01

### 村居

【清】高鼎

草长莺飞二月天，拂堤杨柳醉春烟。  
儿童散学归来早，忙趁东风放纸鸢。

02

### 咏柳

【唐】贺知章

碧玉妆成一树高，万条垂下绿丝绦。  
不知细叶谁裁出，二月春风似剪刀。

03

### 赋得古原草送别（节选）

【唐】白居易

离离原上草，一岁一枯荣。  
野火烧不尽，春风吹又生。

04

### 晓出净慈寺送林子方

【宋】杨万里

毕竟西湖六月中，风光不与四时同。  
接天莲叶无穷碧，映日荷花别样红。

05

**绝句**

【唐】杜甫

两个黄鹂鸣翠柳，一行白鹭上青天。  
窗含西岭千秋雪，门泊东吴万里船。

06

**悯农（其一）**

【唐】李绅

春种一粒粟，秋收万颗子。  
四海无闲田，农夫犹饿死。

07

**舟夜书所见**

【清】查慎行

月黑见渔灯，孤光一点萤。  
微微风簇浪，散作满河星。

## 三年级上册

01

### 所见

【清】袁枚

牧童骑黄牛，歌声振林樾。  
意欲捕鸣蝉，忽然闭口立。

02

### 山行

【唐】杜牧

远上寒山石径斜，白云生处有人家。  
停车坐爱枫林晚，霜叶红于二月花。

03

### 赠刘景文

【宋】苏轼

荷尽已无擎雨盖，菊残犹有傲霜枝。  
一年好景君须记，最是橙黄橘绿时。

04

### 夜书所见

【宋】叶绍翁

萧萧梧叶送寒声，江上秋风动客情。  
知有儿童挑促织，夜深篱落一灯明。

05

### 望天门山

【唐】李白

天门中断楚江开，碧水东流至此回。

两岸青山相对出，孤帆一片日边来。

06

饮湖上初晴后雨

【宋】苏轼

水光潋滟晴方好，山色空蒙雨亦奇。  
欲把西湖比西子，淡妆浓抹总相宜。

07

望洞庭

【唐】刘禹锡

湖光秋月两相和，潭面无风镜未磨。  
遥望洞庭山水翠，白银盘里一青螺。

08

早发白帝城

【唐】李白

朝辞白帝彩云间，千里江陵一日还。  
两岸猿声啼不住，轻舟已过万重山。

09

采莲曲

【唐】王昌龄

荷叶罗裙一色裁，芙蓉向脸两边开。  
乱入池中看不见，闻歌始觉有人来。

## 三年級下册

01

### 绝句

【唐】杜甫

迟日江山丽，春风花草香。  
泥融飞燕子，沙暖睡鸳鸯。

02

### 惠崇春江晚景

【宋】苏轼

竹外桃花三两枝，春江水暖鸭先知。  
蒌蒿满地芦芽短，正是河豚欲上时。

03

### 三衢道中

【宋】曾几

梅子黄时日日晴，小溪泛尽却山行。  
绿阴不减来时路，添得黄鹂四五声。

04

### 忆江南

【唐】白居易

江南好，风景旧曾谙。  
日出江花红胜火，春来江水绿如蓝。  
能不忆江南？

05

### 元日

【宋】王安石

爆竹声中一岁除，春风送暖入屠苏。

以上内容仅为本文档的试下载部分，为可阅读页数的一半内容。如要下载或阅读全文，请访问：<https://d.book118.com/307154152012006135>

千门万户曈曈日，总把新桃换旧符。

06

清明

【唐】杜牧

清明时节雨纷纷，路上行人欲断魂。  
借问酒家何处有？牧童遥指杏花村。

07

九月九日忆山东兄弟

【唐】王维

独在异乡为异客，每逢佳节倍思亲。  
遥知兄弟登高处，遍插茱萸少一人。

08

滁州西涧

【唐】韦应物

独怜幽草涧边生，上有黄鹂深树鸣。  
春潮带雨晚来急，野渡无人舟自横。

09

大林寺桃花

【唐】白居易

人间四月芳菲尽，山寺桃花始盛开。  
长恨春归无觅处，不知转入此中来。